

Wed 7th Sep 1898

大清光緒廿四年

本館新開除禮拜外每日出報一
紙外埠均可函致本館取
本埠外埠均照常刊送外復
閱如外埠閱報加寄費不
也除日本從英國採辦外書
借工本從英法各國採辦各
紙各機器以待與英法各國
刊印書器以待與英法各國
體活字及各式花邊等延有
西人排印工藝甚精所有中
印文字均能刊印並精工刊

第五千零三十七號

申報

本館開設在舊巴武口門牌第七號

戊戌七月廿二日

印工各項由上海購到
寫各體字現由上海購到
刊佈所有各項甚相宜再
本館所登各項原稿其有
世道人心者附登否亦須
礙於人而後始錄其有謬
成文以及支離費解者概
自諒更須寫真而後敢
將原稿收回也本館謹白

大英一千八百九十八年九月十七號拜三 每張售錢五文 每月一元 每季三元 每半年六元 每年十二元

論人才之興視乎取舍并推論人才以蒙養為始甚宜善教法

今之策時務者莫不曰中國之弱弱在人才之少泰西之強強在人才之多一若中國之人才遠不如泰西而終不能與泰西爭者是尙未知中西所學之不同相沿之各異也中國當閉關自守之時風氣未開見聞未廣以八股試帖小楷為拔取人才之的則人之爭自濯磨者自當以八股試帖小楷為揣摩非此無以為進身之具舍此亦無以為自立之基故就八股試帖小楷而論亦可謂精之又精雖至今日天氣日薄文品日卑遠不古若然亦風氣之轉移非真今不古若也歷來各省取士若主司而喜聲調則下屆之揣摩聲調者必甚主司而喜清刻則下屆之文清刻者必多以此觀之中國之人才豈少也哉今既改試策論時務則策論時務者無不東之高閣視如塵土轉移之捷莫捷於此矣聞之坊肆中自奉 諭改制後士人之購取急於求利之見亦幾日不暇給手不停揮猶恐無以為應更可見華人之誠好學之篤也在盛與八股之時無論坊家刻石印汗牛充棟即八股應用之書亦美不勝收華人向學之誠好學之篤也在盛與八股所習非所用所用非所習遂至見議於當世貽笑於外人以為中國八股之無用而中國人才亦皆無用矣夫八股之無用誠無用也至於人才則未有無用者也今既改為策論時務之人才矣泰西之人才不夫策論時務將見向之為八股試帖小楷之人才者不數年即變為策論時務之人才矣泰西之人才不夫人才將遍中國而天文之書亦將遍中國矣以輿地之學無不可以此類推泰西雖有美必備中國何不可國矣登光電以及商務農務礦產製造鐵路輪船之學無不可以此類推泰西雖有美必備中國何不可各求專精夫是知中國人才終不弱於泰西也說者謂八股改為策論時務在能為八股者尙不致目為事惟天文輿地聲光電氣之學則非童而習之不能專精且之名師傳授則此種人才恐一時亦未易得日時務策論尙屬恐談此種實學斷不可少故現在為父兄師長者宜為子弟預為地步向來童子塾四子書及五經畢後即握管為文父師為之講解者不過為作文起見子弟之所習者亦不過為作文起見以致所讀之書不無舍本逐末現既改為策論仍不廢四子五經則童子於四子五經仍不能不讀蒙意入塾之後四子五經只求講解明白不在背誦如流實地優者十歲可畢次者十二三歲極之十四五歲無不可畢讀書之時間閱易知錄則經史二種可以稍知大概時作論說以條達其文理十五歲後須習西國語等文字雖欲習西學不能不讀西書也西文在乎默記若過時而習易於遺忘然必須中文清晰始能學習否則西文雖好無中文以貫串之仍一西人耳如中文清晰之後專習西文雖暫拋棄而先入為主將來再閱中國之書則進境亦非難事也 朝廷銳意求才變更制度凡為父兄師長宜如何盡心教授以副朝廷樂育之懷勿執迂腐之見勿存苟且之心則人才之出不難望之數年以後蒙養之基其在是乎其在是乎

諭旨恭錄 ○七月初六日奉 上諭直隸補員缺着英瑞補授欽此 ○同日奉 上諭巡視南城御史吳壽等奏拿獲銷燬永定門銅炮人犯請交部審辦一摺所有拿獲之陳金海張殿屏王發子斷廣盛馬阿狗杜清和等六名著交刑部嚴行審訊按律懲辦其杜三一一名前因偷盜樹木解送刑部尙未訊結著一併歸案實訊未護之李宗寬一犯仍著嚴緝務獲究辦該衙門知道欽此 ○同日奉 上諭巡視城御史富通阿等奏遵保護盜出力之司員紳董開單呈覽一摺著吏部議奏單併發欽此 ○同日奉 上諭文海奏遵旨嚴定贖約章取具達賴書據呈覽一摺著吏部議奏單併發欽此 ○同日奉 上諭由該大臣咨繳達賴領選番官赴瞻成守毋致滋生事端至章復朱窩瞻對三處屯官應即一律撤去示開誠布公撫綏藏衛至意該衙門知道欽此 ○初六日奉 上諭御史張承慶奏川省昭信股票攤派擾累請飭安辦一摺前因各省昭信股票不無擾累情事迭經諭令妥為辦理不准稍有苛派若如該御史所奏川省辦理各事擾累閭閻與開辦股票任民樂輸之初意大相刺謬著恭壽嚴飭所屬遵遵迭次諭旨慎



防流弊不准抑勒一面確切查明各地方官倘有藉端騷擾情弊即行從嚴懲辦照信股票惟直隸章程向屬妥協該督即將咨去該省章程妥籌辦理革除浮費秉公妥辦股票有無苛派即著據實覆奏毋稍迴護欽此

風聞德國購買巴刺灣及蘇祿專電

○昨接香港發來專電稱現在文城風傳班國已將小呂宋之巴刺灣及蘇祿兩島賣與德國云云但據德國駐港領事及德國戰船侍沙鄰奧牙士打之督駕在港辨論云此事係屬子虛惟又風聞德國戰船亞哥那現駐巴刺灣島而飛獵邊黨人則日操士馬凡諸軍火等均由外國載至在僻靜之海口運以登陸現在宋地向屬平靖然將來必更有一番變動也按巴刺灣島之生理係與仙那港港閩及文城交易為多其土產多係運往該處發售而蘇祿一地則與叻地諸商交易甚鉅彼此往來貨物實屬甚繁今此兩地若果改屬德人則其政令稅章必將為之更易矣

埃及電音 ○本坡實得力太晤士西報接二十日英京來電云英將吉職那所統兵車進征乃里河之役已於十七日將假聖大軍戰退時擊斃五點鐘久敵軍潰敗四散逃奔而英埃兩國之軍即將打萬省攻克今已駐兵此地至英埃馬兵及淺水戰船現仍追逐敵軍甚急是役也英軍死亡之數約近百名中有武弁二員埃軍死者約近二十名至於敵軍死亡之數刻尚未能詳悉其最為勇敢者則英國第廿一營馬上鎗兵陣亡者計廿一名傷者亦有二十名并有武弁一員至其所以致命之由係因此隊馬兵併力而前直衝敵軍之陣使其步伐散亂而後大隊繼往攻之此隊馬兵實為陷衝陣鋒故死傷至如此其甚也

法國電音

○本坡實得力太晤士西報接二十日英京來電云法國兵部大臣加華力因不肯允從眾議將乃非士之案再行集訊之故經已辭職而歸於此觀之則重訊乃非士之案必經定議該大臣因阻而不聽故致告休然則乃非士所蒙不白之冤將可由斯而雪也乎

英德電音

○本坡實得力太晤士西報接二十日英京來電云德國駐英公使昨往謁晤英國理藩院大臣谷花密談甚久至其所商之件雖未得而詳悉惟外間已傳說紛紜據巴谷牙日報紙所言則謂英德兩國業經議定係據前者英國外部占勿運所陳說之數事特聯訂連橫之約而英國因德國如英所議故已允准德在亞西亞亞那等地方償其所欲得之開疆拓土矣

勢利動人

○周檳山時文云從來女子之心易存勢利斯言也可謂繪盡巾幗中人民蘊不惟華人為然即西國亦無不然也昨接英京來信云印度有某王子近游倫敦因與英國某富室女婚為王子年已四旬女則芳年僅十有七齡且復遠處他洲而教門亦復各別乃女則白願捨西教而入其回教得以遂其婚姻一時人頗異之因查其故蓋王子乃印度某部國君之本姪他日其君薨逝即由王子襲位固儼然一國之儲且復富有多資今與此女為婚即立助奩資二十萬磅大抵女因此心動故特許與為婚也

輪船驗修

○漳洲輪船前日到叻現已照例在甘谷峇汝船澳驗修委誌數言以為眾告

呂宋近耗

○小呂宋來信言該埠自美兵收降後文尼刺所轄地方漸就安謐無復有兵戈氣象邇來地方官辦理各事甚為平允各官員悉由美統帥迷力為之節制強張一切必須請令而行本埠所有貨倉暨大小行店刻已次第復業沿途郵寄書信貨物亦甚平安可免遺失稽延之患桑都及卑倫奧兩處市面俱照常貿易風鶴無驚當兩軍開戰之前曾將巴士河堵塞現經美官設法開通無論輪帆大小各船均得往來無阻各街道亦經僱人清理無納汚穢垢之虞聞美國官兵人等於該處水土甚為合宜自兩國交綏以來美兵在該處船上因病而死者祇有十七人西軍之投降美營者計有兵士一萬四千名洋鎗二萬三千枝大小槍炮碼一千萬枚另火藥甚多前數日有亂民五百名駕船由文尼刺開行不知其欲往何地各商船聞耗皆停不敢開駛後經美官允為保護始各起碇以去蓋恐若輩中途截劫或別有要求也邇來柳順內地無甚消息而火車經由之處則甚為安靖傳聞有亂民大隊現在南方戰鬪仍未知其實在情形也以上乃小呂宋友人來函所述又有美兵名卑路西者前日附搭沙非路火船到港據報去月下旬美班兩軍戰鬪一點半鐘旋見班軍高揭白旗以示降服其時亂民大隊駐於城外地方與美營相去不遠然各亂民雖在美營之右並未為美軍效勞蓋若輩皆不諳陣法進退無度不惟不能得力我等直視若噴疣耳尤可笑者各亂民每次放槍必不瞻前反顧俟槍已響發始回視其命中與否其未經訓練有可概見矣當班官出降後亂魁亞魏拿多亦隨同美軍拔隊入城在街上駐紮二三日與美營相去僅二百碼美兵刻刻防守恐其乘機妄動嗣經美統帥迷力與亂魁妥議着其率眾出守城外凡有攜帶軍器者不准擅行入城至於美班兩軍現已甚為冷淡飲食居處並無疑忌似盡化其畛域之見云

海南亂耗

○七月初十日香港西報接省報云海南之三合會匪蠢動在白廟墩滋擾該處有美國教士二人逃至海口英領事署避亂海口英領事致電羊城美領事申請省憲調兵往白廟墩保護教民是日美領事申陳譚文帥請電飭該處地方官彈壓聞海口英領事於初三日經請瓊州道憲飭兵保護白廟墩教民并備護教堂物業

廣東鐵路招股

○粵漢鐵路經奉諭旨迭催開辦并由總辦盛大臣委張弼士觀察到粵商確一切情形已登前報茲悉此項路費經已借定美國英金四百萬磅其餘則先集股本銀一千二百萬兩分作一十二萬股每股銀一百兩現已擬定招股章程十條刊佈於眾其一設公司在於粵省設立辦公總辦之所幹路則由廣州經佛山至三水透湖南以達漢口與蘆漢北幹路相接支路東則由廣州經惠州至潮州達福建西則三水經梧州桂林其二定招股立招股部編列號數分為存根執照領部之人限兩月將存根繳交總辦核計其三收定銀每股

先收掛號定銀五兩其四定銀期除收五兩外再收二十兩其餘按三個月一期分作三期每期收銀二十五兩其五給獎勵能招一百股以上給花紅股多者並可舉為幫辦大工告成作為異常勞績奏獎其六分溢息老本週息六釐洋債五釐每年結賬一次餘為溢息照分其七益土著除僱洋匠外概招人作工其八設學堂在省設立鐵路礦務學堂聘請洋師教習先有股子弟入學其九與地利五金各礦由司兼辦其十請廣益所有辦法到時邀集股東從長計議各坪所見此其大畧也其詳尚俟續報

西匪近耗 ○粵西土匪於去月二十二三日竄撲大宣墟等處縱火焚劫翌日進竄大黃江被官兵團圍擊之退走其情節已錄前報前數日間說平南縣城又復被匪攻陷查係疑傳之語先是竄擾大宣之股匪於二十二日縱火搶掠勢極猖獗又竄至思旺向各墟舖店肆行勒索二十四日將及大黃江口平南城內聞耗以惡氛漸逼大為震動即將城門緊閉并派官兵勇嚴行捍衛而該處商民因其地與大黃江密邇仍多越境以避者平南失陷之說遂由此起迨各匪擁至大黃江近界突將村外逐寮焚燬數處搶掠民居數家幸賴是處鄉團率眾環攻貴邑縣尊劉大令亦撥勇數百名馳至相助該匪不能抵敵延至二十五早望風逃遁平南藉大黃江為保障大黃江不容深入故平南亦得保全而二十六七日依然防守維嚴直至二十八日始將城門開放各路徵調之勇是日啣枚而至平南大黃江扼要填紮人心遂安嗣探悉該股匪竄至武宣所屬地方然已解散其半可無敢慮嗚呼張之慮惟該處一帶粒米如珠每百動售價三兩五六錢之譜民心惶惑市面蕭條來往商船寥寥罕覩向來東省商人多在此間貿易適日驚心風鶴大都裹足不前海州府趙太尊已諭飭府城各街坊舉辦團防以資保護目下海城內外仍幸安堵無驚云云此本月初旬以前之實在情形也又聞蔡環浦都戎所帶之安勇自五月初旬在容縣之綠崖州等處迭次與賊交戰連獲勝仗陣斬及生擒頗多六月中旬鄭惠霖鎮軍在北流縣境獲匪多名內有頭目數人匪首李立停之妾李梁氏亦被俘獲立予斬決自是以後復會同江子臬協戎所帶之勇直搗匪巢旬日之間擒斬無算聞各匪雖蔓延數縣之地而軍械糧食俱無足恃勢將束手就斃不日會同大軍痛加剿洗自可一律肅清露布之書濡筆俟之可矣

俄人設備 ○俄人設備於遼東汲汲皇皇日不暇給實足令人聞而駭異其旅順大連灣兩口有英國某船主經過查得兩地屯駐陸兵計有三萬五千名海軍船隻則旅順口內停泊一艘港外三艘則專一輪流巡視遼東海面以便旅連聯成一氣內部炮臺船炮車械修理所貯煤庫糧食廠軍務司令部大小衙署均布置完備而軍需器械運輸而來者尤絡繹不絕旅順大連灣等處之炮台碼頭日僱有華俄工人若干名合力工作旅順船塢已加造廣大另有二百餘人在彼處搭蓋帆帳因屋宇無多不敷住宿也又遠近各處日有俄人丈量鐵路故大街小巷無處不有俄兵自西七月十號俄船伍影比阿號運來大炮數尊快槍數千桿彈藥則不可計數就旅順駁運上陸費數日之工始克運完其景象大似年內即有戰務核其軍實充盈旅連鞏固其居心不言而喻噫俄人舉動若此豈僅為保護旅連而已哉或將俟秋高馬肥別有所圖歟俄心叵測其斯眠於我臥榻之側已覺可懼可不慎為防維乎

重整海軍 ○歐西各國之得以爭長中原稱雄海上者蓋不獨恃其器械之利且恃其兵艦之多也中國亦嘗計及於此而經營數十年糜費金錢數千百萬乃中且之役不惟不足應敵且反為敵資北洋兵艦蕩然無存以致外侮頻聞要挾備至今中國欲圖自強非亟復海軍廣購戰艦不可裕壽山制軍入督樞機以購備兵艦為當務之急奏奉 上諭飭由南北洋大臣每年籌款二十五萬元十年為止其餘各封圻亦各宜共體時艱實力籌措每年各籌若干與南北洋籌繳之款一併交由裕壽山制軍收儲備向外洋名廠購訂兵艦之用南洋大臣劉峴帥已奉到 廷寄聞已擬由江海各關籌措此款矣

臬案初紀 ○二十一日為臬署開堂決獄之期計是日所訊之案有五宗茲將各案開列左方以供眾覽 第一起爪亞婦人時勝竊案被告業經認罪命候本日再行科斷 第三起閩人陳添源偽單案訊定後以証據未明將其開釋 第八起閩人陳才竊案判禁二年 第十四起潮人陳亞接竊案判禁一年 第六起粵人吳仲潤自盡案被告業經認罪命候本日再行科斷

如是收場 ○二十一早美芝路差館有巡差在舊峇街當值見該處第六號門牌貨棧前有爪亞女屍一具有識之者云女名棉那向在新峇釐街某娼為妓手姿甚艷名噪一時眷之者甚眾因是之故遂染花柳毒症自去歲以至於今治而不愈遍身潰爛臭穢不堪無路投依故遂斃於此地云云噫紅顏薄命如此收場是亦可哀也已

虐婢案定 ○前報潮婦沈氏因虐其婢致遭告發經在府堂訊定判將氏監禁一月氏情有不甘因請將案至臬堂上控一事茲悉此案昨由廉訪訊定着仍照府堂所定而行然則氏自不得不勉為就獄矣

賭案開釋二則 ○前報自來火局內緝獲瓊人符芳隆等六名因犯花會之案又廈門街第六十五號門牌和順號緝獲叻產閩婦陳珠娘等九人因犯十二枝之案昨均在於府堂審訊以証供尚未明確均判將其省釋

失水遇救 ○荷蘭輪船不鄰下力山打近由亞齊等處抵叻據稱船經麻六甲海時見有華人二名在一已覆之船底上勢甚危急知為失水者爰即將其救獲據稱船中共有三人等語今此二人遇救尚餘一人不知踪跡想已隨伍大夫游矣

雀猶有角 ○潮人林交住居小坡梳子巷十八早肩負枕箱一具到新興街碼頭喚渡詎有閩人陳固自稱暗牌截林搜檢并將其箱

開看見箱內有洋帛多翼因而向林勒索洋銀五元否則將其拘捕等語林觀陳足已跛步履蹣跚斷不能充暗牌之役知爲假冒爰即鳴捕執之解送府堂廿一日府尊訊畢判監禁三閱月充當苦工○海豐縣人林亞早僅存左臂一枝其右臂則已經截去乃尚不稍自斂於廿一多但念係屬廢人情尚可矜乃判將其監禁三閱月之期不備○閩籍車夫洪宗控告西人麥堅據稱麥於二十日下午俾坐其車遍游各街至是晚八點鐘乃始下車不惟不給分文并且執余毆打因被擊壞車燈一枝云云府尊訊畢判罰麥銀十元另着出一元五角給與原告作爲賠償之費○第三百九十號暗差於二十夜四點鐘時在馬交街尾二路巡察見潮人陳四携有萬蘭池酒三枝白衫四件忽忽而過情有可疑執而訊之始知係竊賊馬吉路第七十五號門牌酒店之物爰即將陳送案同日府尊訊畢命展至廿九日由兩府尊會訊○閩人林周前日控告粵人陳亞振於案據稱二十日下午五點半鐘時陳在丹戎巴葛路竊其衣衫一件云云同日府尊提訊據陳供稱向以油漆爲生是日因赴友人湯餅之筵呼車乘之而往其衫置於車中不意中途遺於路上被林所拾登即向其索取詎堅不肯還因與相爭詎反被指爲盜竊云云并有証人潘鏡泉到案指陳此衫委係被告所遺是日余借被告同赴友人之席而被告係向友人馬姓借衣而往其衣余實能辨認云云府尊乃問其衣有何憑據潘云內襟之上有一扇袋爲憑府尊驗之果然復詢原告衣有何憑林竟瞠目而不能對府尊因是知其誣賴乃命將陳省釋并嚴諭原告自後不得認良爲盜倘有再犯即重懲不貸云○是日爲傳訊工部局控告諸人不潔案件之期計是日所訊者又至一百二十三起之多抑何近日之人其酷好不潔也如是耶

京報選錄

○奉天府府丞兼學政臣貴賢跪 奏爲變通武科敬抒管見恭摺具陳仰祈 聖鑒事竊臣接兵部咨會議榮祿高燮會

等請設武備特科並黃槐森改試洋槍各節備錄兩次議覆奏稿行令各省熟察情形各抒所見陸續奏咨嗣臣以扁試本省歲考生童未及陳奏旋於五月初一日復准兵部電開應催各省接電後即將內外場大小章程詳陳利弊覆奏各等因前來竊維立法之始不厭求詳而創制之端貴先防弊武場改試原議本極周詳惟專試槍炮不試技藝取材既未全備流弊且恐滋多臣詳加參酌竊有不能已於言者查我朝龍興遼瀋本以弧矢威天下此武試所以首重騎射也至弓刀石三項雖曰沿自前明然刀石非行陣所需執不知之乃復相沿不改者察其用意所在亦以武科當向武勇之三者必孔武有力更兼練習有素始能運動裕如試事以此亦如詩所云赴赴武夫用備腹心千城之選者此物此志當今火器盛行武場改試槍炮固爲先務之急第思火器但能及遠不能禦近設遇短兵接戰之時衝鋒陷陣非材武猛勇不爲功若但以火器一端取士是以巧勝不以力較校士者祇得以中靶之多寡爲乘取之權衡此外皆非所計無論匪徒游勇難保不濫廁其間甚至瘠弱病夫鴉片癮者皆得僥倖於一試弊孰甚焉臣愚以爲變法固貴因時而設科尤須求備改試槍炮之外更宜仿各省勇營雜技如刀矛擊刺等藝增設一場蓋雜技須習有專門非率爾操觚者所能與將來即以槍炮爲外場以雜技爲內場必取身材偉壯技藝精熟者爲入選賢弱力薄雖中靶較多者不錄如此量爲變通藉以服衆心而作士氣武科可收得人之效矣主考試步槍與步箭不同而回步箭既以六發爲定章步槍亦即以六出爲準則惟馬槍與馬箭則似同實異查馬槍一項 京師健銳等營本有一二馬之制然所用者係舊式火槍故一馬三槍與一馬三箭均以靈捷爭長若改用洋槍既省裝藥之煩難且有三五出至十數出之便利仍以三槍爲合格似覺太易至演炮一節聞新式快炮至簡易尚須以三人演放如看準頭送子藥掃膛拉火等事固各有所司也然考試一人若再令兵弁等二人幫演不特煩擾且恐滋弊應於點名時令士子三人爲一排輪流替換施放而要以前行遵辦總之規制初改難必周詳其有未盡事宜應由各省督撫學政遇事咨商兵部隨時更定臣議定用何項槍炮報部核准後奉到部文再行遵辦總之規制初改難必周詳其有未盡事宜應由各省督撫學政遇事咨商兵部隨時更定以臻美善其學堂教練及武童武舉等入營一切章程前由本省將軍依克唐阿會銜業經咨報兵部在案所有微臣管見及變通武試緣由是

否有當謹會同將軍臣依克唐阿府尹臣廷杰恭摺具陳伏乞 皇上聖鑒敕部核議施行謹 奏○總理衙門片 再准軍機處鈔交御史楊深秀片奏泰西各學自政治律例理財交涉武備農工商務礦務莫不有學日本變新之始遣聰明學生出洋學習於泰西諸學燦然美備中華欲游學易成必自日本始聞日本大開東方協助之會願習智人士助吾自立招我游學供我經費以著親好之實經其駐使矢野文雄函告譯署伏乞 飭下總署速議游學日本章程選舉貢生監之聰敏有年未三十者在京師聽人報名由譯署給照在外聽學給照等因光緒二十四年四月十三日奉 旨著總理各國事務衙門議奏欽此查本年閏三月間准日本使臣矢野文雄函稱該國政府擬向中國借敦友誼藉悉中國需才孔亟倘選派學生出洋習業該國自應支其經費又准該使臣來署面稱中國如派肄業學生陸續前往日本學堂學習人數約以二百人爲限經臣等備函致謝並告以東文學堂甫經設立俟酌安辦法即行函告該使臣亦稱須預議安章等語近年以來日本講求西學大著成效又與中國近在同洲往來甚便既經該國函請派往游學臣等公同商酌擬即妥訂章程將臣衙門同文館東文學堂酌派數人並咨行南北洋大臣兩廣湖廣閩浙各督撫就現設學堂中遴選年幼穎悟粗通東文諸生開具銜名咨報臣衙門知照日本使臣陸續派往即由出使日本大臣就近照料無庸另派監督各生應支薪水用項由臣衙門核定數目提撥專款匯交出使大臣隨時支發至該御史所請在京聽人報名由譯署給照在外聽學政給照未免漫無限制應毋庸議所有遵議緣由理合附片具陳伏乞 聖鑒訓示謹 奏

承頂聲明 ○啓者實叻大坡舊巴武馬路後門牌一百一十八號榮發興號戴德水自丁酉年七月初一日與廈門梅圃號謝勳楚合夥什貨生理至此戊戌年陸月廿八日梅圃號謝勳楚志圖別業即全請公人藏典 成源 悅來 李堵舍四位老爺秉公清算所有本利銀項一概當堂交還謝勳楚明白日後生理盈虧不干謝勳楚之事其所有與人賒借以及各事概爲經手是問不干榮發興戴德水之事先此聲明免滋後論 大清光緒二十四年七月十八日 戴德水謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售 光緒廿四年七月十八日 啟子

廈門平糶局公啟 ○公啟者近日外間頗有煩言謂本局所辦寄廈平糶之米有參差之處并有無端加以想像之語謂購辦米石者所獲之利竟至萬有餘金此說甚駭聽聞實不得不澈底清查以歸公當故本局同人等於本月十一日集眾公同查核因查得承辦米石之源成順號歷屆所辦之米向無弊混均有簿據及往來單件爲憑經由本局同人逐條詳查數皆符合惟最後一次所辦仰庄白米一千四百包則委有不符之處因此米內攪雜半港之米竟至過半之多是緣該號東人并未在店司理而其任事人等一時不察竟任店伴冒昧爲之茲經查確此事悉與該號東主及豐揚輪船諸人無干但該號既有此失亦不能不酌量處分以昭至公除查確該號此次所辦之米獲利三百八十餘元提出充公并承還豐揚輪船此次駁回米石六十三包餽費外另着該號再交出銀一百元撥入本局以充善款此乃集眾公同議定無黨無偏用將其事刊列報中俾眾周知以昭清白焉 大清光緒廿四年七月十五日 廈門平糶局駐叻籌捐董事公啟

- 檳榔嶼華商捐助廈門平糶芳名錄 ○啟者茲接檳城善翁黃進聰 林花鑄 邱增妙 邱銜赤 林玉衡諸君經勸廈門平糶緣款用將捐冊照登如左
- | | | | | |
|-----------|---------------|-----------|-----------|-----------|
| 開恒美號捐銀四百元 | 林霖綽翁銀三百元 | 羅廣生號銀二百元 | 鄭慎之翁捐二百元 | 新益興一百六十元 |
| 得昌號銀一百六十元 | 瑞福號銀一百六十元 | 和利昌一百五十元 | 朱寶蘭一百五十元 | 王珍祥捐銀一百元 |
| 怡順號捐題銀一百元 | 順昌號捐題銀一百元 | 順泰號捐銀一百元 | 興利號捐銀一百元 | 萬裕興捐銀一百元 |
| 廣安號捐題銀一百元 | 李清珍翁捐銀一百元 | 榮順號捐銀六十元 | 福萬源捐銀六十元 | 成榮德捐銀六十元 |
| 順興號捐題銀六十元 | 萬永裕捐題銀五十元 | 利貞號捐銀五十元 | 榮棧號捐銀五十元 | 陳和盛捐銀五十元 |
| 豐成號捐題銀五十元 | 邱成德捐題銀五十元 | 林克全捐銀五十元 | 孟記號捐銀四十元 | 裕生春捐銀四十元 |
| 綿福號捐題銀四十元 | 晉昌號捐題銀四十元 | 合興號捐銀四十元 | 錦昌號捐銀四十元 | 頑祥號捐銀三十元 |
| 廣福安捐題銀二十元 | 廣源利捐題銀二十元 | 華興號捐銀二十元 | 永安和捐銀二十元 | 福利號捐銀二十元 |
| 源利號捐題銀二十元 | 新瑞美捐題銀二十元 | 順德號捐銀二十元 | 聯和號捐銀二十元 | 榮春號捐銀二十元 |
| 崑美號捐題銀二十元 | 榮興號捐題銀二十元 | 集福號捐銀二十元 | 復崇號捐銀二十元 | 萬興利捐銀十五元 |
| 王萬通捐銀一十二元 | 萬吉號捐銀一十二元 | 三合源捐銀一十二元 | 成利號捐銀一十二元 | 裕昌號捐銀一十二元 |
| 泉合發捐題銀一十元 | 晉豐號捐題銀一十元 | 新阜昌捐銀一十元 | 永聯昌捐銀一十元 | 胡成啟翁捐銀一十元 |
| 福萬美捐題銀一十元 | 永裕昌捐題銀一十元 | 藏德號捐銀一十元 | 林清港捐銀一十元 | 恒和號捐銀一十元 |
| 源茂號捐題銀一十元 | 捷成號捐題銀一十元 | 正同號捐銀一十元 | 洽泰號捐銀一十元 | 美源號捐題銀五元 |
| 千五百二十二元 | 大清光緒二十四年七月十七日 | | | |

大荷蘭總領事示 ○大荷蘭國駐叻總領事府南域 爲招充豬碼事照得本國家現欲將蘇門答臘東境一帶之豬碼招商承辦而望加麗及打棉香等處不在其內此碼定於西實添末月十號即華七月廿五日禮拜六在日裡之棉蘭地方出投此碼或止承一千八百九十九年一載之期或承至一千九百年及一千九百零一年三載之期均無不可汝等有志承充者其如期前往投充可也特諭 西一千八百九十八年八月三十一號 示

火船出投 ○啟者茲定於西實添末月十五號即華本月三十日禮拜四上午二點鐘在本館內拍賣火船二起 其一火船一隻名曰新萬裕其船長有二百零五英尺闊二十七英尺八因脂深十五英尺五因脂堪載九千五百担此船現在常川往來閩浙嗎辰實叻等處 其二火船一隻名曰新北加且長一百五十二英尺闊二十三英尺深十二英尺堪載七千五百担該船現亦常川往來閩浙嗎辰實叻等處 諸君有欲知其詳細可檢閱英字拍賣章程便得特此佈 聞 大清光緒廿四年七月初拾日 大英一千八百九拾八年八月廿六號 巴越館主告白

藥店召頂 ○啓者茲有藥店一間生理尙堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒二十四年七月初三日 叻報館代啓

新到上等機器油
啓者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油爲廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
大英一千八百九十八年八月十八號
轉珍目兄弟公司謹啟

時雨軒藥酒
蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醞釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止腫痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致悞惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在芙蓉埠廣生號寄售 一在吉隆坡恒棧號寄售
大清光緒廿四年六月廿九日 時雨軒主人謹啓

柴火
啓者本號親自督辦孔明圖及五福標火柴二種來叻發售其火柴藥料精美歷久不潮實爲上等應荷 諸君光顧咸已蒙獎譽乃有聞近無恥之徒假冒本號孔明圖及五福標兩庄火柴以低偽之貨售於市上希圖魚目混珠此等所爲祈堪痛恨除嚴密訪查控究外用特佈明其事 諸君購用此兩庄火柴者殊爲細辨庶免爲偽貨所欺然若能知偽冒此等火柴之人者懇即 玉臨本號報明以憑控究訊實之後即當從重酬謝決無食言再本號仍有選辦孔明坐車標紅烟出售併此佈告
光緒二十四年二月二十四日
二馬路新巴虱口孔明齋謹啓

新印
啓者茲有新印之臺灣地圖精細異常經緯度數井然不紊台灣所謂羅千里於咫尺者目今台事戰爭未已有正人心所宜地圖亟爲攷究者 諸君賜顧請移玉至本館面商可也
寄售大清光緒二十四年五月十三日 本館謹啟

豐源號
本號輪船往來各埠船期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
各輪船在叻往麻六甲吉隆坡實蘭午 等禮拜五日三點鐘開行特此佈



正呂宋烟發客
啓者本號親自在小呂宋採辦意未即拿廠揀選正地烟葉製造各款星妹麥仙花雙馬呂宋烟枝經已馳名中外其雙馬麥中更有二百庄白結度經尤爲冠美氣味香順蒙採客留心細察庶免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠諸君光顧請移玉到本號面議是禱各款麥頭太多不能盡錄謹此佈 聞
光緒廿三年九月二十四日
新嘉坡馬交街生昌泰謹啟

實知賓西醫鑲牙告白
啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲妥如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并爲烏里燕達性命保險公司代理華人性命保險之事 諸君賜顧請至未得里路第六號門牌樓上面商爲盼
大英一千八百九十八年六月二十八號
牙科醫生實知賓謹啓

在實叻往麻六甲每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由吉隆坡回芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
豐源號謹啓

正金鐘標萬蘭池酒發客

啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華商諸君有欲零沽者請至酒公司沽買便得如買成起以便配往外處者仍可至本行沽買至此酒




所上有各票如無本行不殺呼峇華字者即爲假貨幸勿爲之誤買本行有厚望焉
大英一千八百九十八年正月十三號
不殺呼峇即前加珍洋行謹啟

戊戌年八月份牌發客

啓者本館新印戊戌年華英月份牌現經告竣至本年刷印所以暑遲之書實緣明年晦朔節氣頗有參差本館鑒於前年叨地諸家之悞故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更富格外從廉特此奉聞諸惟惠照本館謹啓

本館謹啓

鐵廚出售



啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈
大英一千八百九十八年正月十三號
不殺呼峇公司即前加珍洋行謹啟

製法之法
精妙異常
酒味甚清
以之蒸釀
者皆爲上
等之料保
無僞克之
弊此酒若
在本坡沽
飲甚屬合
宜且價亦
甚廉諸
翁沽用須
爲留心辨
明以免魚
珠之混現
在市上假貨者甚多以
爲假貨幸勿爲之誤買
大英一千八百九十八年正月十三號
不殺呼峇即前加珍洋行謹啟

紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼




Bisquit Dubouche & Co.
COGNAC


大英一千八百九十七年二月十二號
不殺呼峇即前加珍洋行謹啟

馳名鐵廚發售

嘗思養生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商




所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

三品出售

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內



有小紙包頭註明華字新嘉坡明嗎也公司者始真若無此字樣即屬假冒請為細認特此佈告 大英一千八百九十八年正月一號 明嗎也洋行謹啟

烏密酒發賣



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟




啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

蜜酒發賣



啟者本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟



正金鐘標萬蘭池酒發客



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華商諸君有欲零沽者請至酒公司沽買便得如買成起以便配往外處者仍可至本行沽買不此酒

所上有各票如無本行不呼呼峇字者即爲假貨幸勿爲之誤買本行有厚望焉 大英一千八百九十八年正月十三號 不呼呼峇即前加珍洋行謹啟

製法之法 精妙異常 酒味甚清 以之蒸餾 者皆爲上 等之料保 無假充之 弊此酒若 飲其廉亦 宜且價亦 甚廉用須 爲留心辨 明以免魚 珠之混現 在市上假貨者甚多以 不呼呼峇即前加珍洋行謹啟

紅首冠仔標萬蘭池酒出售



Bisquit Dubouché & Co. COGNAC

啓者本公司所製之紅首冠仔標萬蘭池酒誠名已久乃在歐洲名家所製自一千八百一十九年相傳至今已閱八十年之久而


其酒有收存數十年方肯出而沽賣蓋者其熱氣概已全消所以請君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼

大英一千八百九十七年二月十二號 不呼呼峇即前加珍洋行謹啟

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年曉朔節氣頗有參差本館鑒於前年叻地諸家之快故有敢冒味從事爰特按照 欽定時憲由詳加校勘所有差餘氣節悉無訛舛庶得以仰副 諸君子惠顧之殷至於圖畫之式亦已概改舊觀以期一新眼目 諸君賜顧請移 玉至本館面議價其相宜倘欲躉買更當格外從廉特此奉 聞諸惟 惠照 本館謹啓


鐵廚出售



啓者本行所售之鐵廚在本坡馳名已久素蒙 各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人營智人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻且異常堅固無論火燒盜劫均可無虞貨美價廉莫此爲甚倘 各君有欲購此廚以收藏重寶者可至本行選閱是幸此佈 大英一千八百九十八年正月十三號 不呼呼峇公司即前加珍洋行啟

售發廚鐵名馳

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用




有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商

所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

售出品

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號牌之內



有小紙包頭註明華字新嘉坡明嗎也公司者始真若無此字樣即屬假冒請為細認特此佈告 大英一千八百九十八年正月一號

明嗎也洋行謹啟

賣發酒密烏




啟者本行同由英國督辦各種美酒來叻發售久已遐邇馳名茲復由英新辦到爾爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記庶細辨香味方不致誤價甚相宜倘有劉份之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

明嗎也洋行謹啟

賣發酒蜜



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日理等處其他埠均能運往並此佈聞 大英一千八百九十八年正月一號 光緒廿三年十二月十八日

明嗎也洋行謹啟

